



UPM Promosi Pameran Pendidikan Pasca-Siswazah



Prof. Datin Paduka Dr. Aini (pertama dari kanan), Prof. Dr. Hasanah dan Prof. Dr. Abu Bakar disambut Pengarah INSPEM, Prof. Dato' Dr. Kamal Ariffin ketika melawat gerai INSPEM pada Pameran 'Postgraduate Education 2009' baru-baru ini.

SERDANG, 13 Mac – Universiti Putra Malaysia (UPM) telah mempromosikan program siswazah yang ditawarkan melalui pameran Pendidikan Pasca-Siswazah di Auditorium Fakulti Kejuruteraan UPM baru-baru ini.

Timbalan Naib Canselor (Akademik dan Antarabangsa), Prof. Datin Paduka Dr. Aini Ideris berkata UPM menentang pusat pendidikan ijazah lanjutan di dalam negara dan antarabangsa bagi menarik lebih ramai siswazah dengan memperkukuhkan kualiti perkhidmatannya.

"Internet Graduate Information Management System (1GIMS) telah dibina bagi membolehkan hampir semua urusan berkaitan pelajar siswazah dilaksanakan secara dalam talian".

"Bagi memperkukuhkan pengurusan program siswazah, Sekolah Pengajian Siswazah Universiti kini sedang giat berusaha ke arah pensijilan ISO 9001:2008 dan berjaya melepasi Audit Pematuhan dan mendapat persijilan ISO 9001:2000 pada 28 Disember 2008," katanya.

Beliau berkata hampir semua urusan berkaitan pelajar siswazah dilaksanakan secara talian melalui sistem 1GIMS termasuk permohonan kemasukan ke UPM kini boleh dibuat di seluruh dunia melalui akses internet.

Dr. Aini berkata sistem tersebut juga membolehkan urusan pendaftaran pelajar, rekod pemakanan, permohonan penangguhan, permohonan biasiswa dan permohonan penamaan jawatankuasa penyeliaan dibuat secara talian.

Selain itu pelajar juga boleh membuat semakan status pengajian dengan mengemaskini butiran peribadi secara langsung menerusi sistem tersebut.

Katanya UPM juga sedang menyiapkan pembinaan kompleks antarabangsa yang menyediakan keperluan ruang kuliah dan kemudahan perumahan yang selesa.

UPM turut menyertai pelbagai aktiviti promosi di luar negara yang dianjurkan oleh Kementerian Pengajian Tinggi bagi menarik lebih ramai pelajar antarabangsa.

Sementara itu, seramai 3,000 pengunjung yang terdiri daripada pelajar ijazah tahun akhir, staf UPM, kementerian, jabatan kerajaan, swasta, tutor dan pensyarah di Institut Pengajian Tinggi Awam dan Swasta telah hadir ke pameran selama tiga hari.

Pameran tersebut melibatkan 35 buah gerai yang disertai oleh warga UPM dan terdapat juga agensi-agensi lain yang turut sama terlibat seperti Kementerian Sains, Teknologi dan Inovasi dan Dewan Bahasa dan Pustaka.

Promosi pengecualian yuran proses permohonan sebanyak RM60.00 bagi pemohon tempatan dan USD60 bagi pemohon luar negara yang membuat permohonan kemasukan turut diadakan.

Pelajar tahun akhir Bachelor Sains Pemakanan Universiti Kebangsaan Malaysia, Noor Faezah Abdul Jalil berkata pameran tersebut membantu beliau memilih bidang pengkhususan yang bersesuaian untuk menyambung pengajian ke peringkat ijazah sarjana di UPM.

"Penerangan diberi memudahkan saya untuk memilih kursus yang tepat mengikut permintaan pasaran kerja sekarang," katanya.

Sementara itu pelajar tahun empat Bachelor Kejuruteraan (Proses dan Makanan) Fakulti Kejuruteraan UPM, Muhammad Sadiq Kamarul berkata pameran tersebut telah membantu beliau mendapatkan penjelasan lanjut mengenai bidang yang akan disambung pada peringkat ijazah sarjana.

"Saya membuat persiapan awal dengan membuat tinjauan ke pameran ini dan sekiranya ada rezeki, saya ingin memilih jurusan yang berbeza dengan apa yang saya belajar sekarang bagi mempertingkatkan ilmu pengetahuan saya," katanya.



Prof. Datin Paduka Dr. Aini (dua dari kiri) beramah mesra dengan pelajar antarabangsa yang sedang mengisi permohonan menyambung pengajian ke peringkat ijazah sarjana dengan mencuba aplikasi secara talian.

Disediakan oleh Seksyen Media, Bahagian Komunikasi Korporat UPM.